



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐ

«26» ապրիլի 2018թ.

№ 169-Չ

ՀՐԱՄԱՆ

ԳՆՈՒՄՆԵՐԻ ՀԱՄԱԿԱՐԳՈՂԻ ՈՐԱԿԱՎՈՐՄԱՆ ԾՆՈՐՀԱՆ ՔՆՆՈՒԹՅՈՒՆԸ
ԿԱԶՄԱԿԵՐՊՈՂ ԵՎ ԱՆՑԿԱՅՆՈՂ ՊԱՏԱՍԽԱՆԱՏՈՒ ՍՏՈՐԱԲԱԺԱՆՈՒՄՆԵՐ
ՍԱՀՄԱՆԵԼՈՒ, ՍՏՈՐԱԲԱԺԱՆՈՒՄՆԵՐԻ ԱՇԽԱՏՈՂՆԵՐԻ ՑԱՆԿԸ ԵՎ
ԳՈՐԾՈՒՆԵՈՒԹՅԱՆ ԿԱՐԳԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐԻ 2017 ԹՎԱԿԱՆԻ ՕԳՈՍՏՈՍԻ 3-Ի N 397-Ա ՀՐԱՄԱՆԸ
ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հիմք ընդունելով «Գնումների մասին» Հայաստանի Հանրապետության օրենքի 16-րդ հոդվածի 2-րդ մասի 3-րդ կետը և Հայաստանի Հանրապետության կառավարության 2017 թվականի հունիսի 29-ի N 759-Ն որոշման հավելվածի 5-րդ կետը և ղեկավարվելով Հայաստանի Հանրապետության կառավարության 2008 թվականի մայիսի 15-ի N 503-Ն որոշմամբ հաստատված ՀՀ ֆինանսների նախարարության կանոնադրության 14-րդ կետի 4-րդ ենթակետով.

ՀՐԱՄԱՅՈՒՄ ԵՄ

1. Գնումների համակարգողի որակավորման շնորհման քննության կազմակերպման և անցկացման համար պատասխանատու ստորաբաժանումներ (այսուհետ՝ Ստորաբաժանումներ) սահմանել ՀՀ ֆինանսների նախարարության աշխատակազմի հանրային ֆինանսների կառավարման մեթոդաբանության և պետական գնումների գործընթացի համակարգման վարչությունները:

2. Հաստատել քննության կազմակերպման և անցկացման համար պատասխանատու ստորաբաժանումների՝

1) աշխատողների ցանկը՝ համաձայն հավելված 1-ի.

2) աշխատողների գործունեության կարգը՝ համաձայն հավելված 2-ի:

3. Ուժը կորցրած ճանաչել Հայաստանի Հանրապետության ֆինանսների նախարարի 2017 թվականի օգոստոսի 3-ի «Գնումների համակարգողի որակավորման շնորհման

քննություն կազմակերպող և անցկացնող հանձնաժողով ստեղծելու, հանձնաժողովի կազմն ու գործունեության կարգը հաստատելու մասին» N 397-Ա հրամանը:

4. Սույն հրամանն ուժի մեջ է մտնում ստորագրման օրվանից:

ՊԱՇՏՈՆԱԿԱՏԱՐ



Վ. ԱՐԱՄՅԱՆ

2018թ. ապրիլի 26-ի ՀՀ ֆինանսների նախարարի N 169 -Ա հրամանի

ՑԱՆԿ
ՍՏՈՐԱԲԱԺԱՆՈՒՄՆԵՐԻ ԱՇԽԱՏՈՂՆԵՐԻ

Արթուր Բաղդասարյան - ՀՀ ֆինանսների նախարարության աշխատակազմի պետական գնումների գործընթացի համակարգման վարչության գնումների գործընթացի համակարգման բաժնի պետ (խմբի ղեկավար) .

Հեղինե Զաղինյան - ՀՀ ֆինանսների նախարարության աշխատակազմի հանրային ֆինանսների կառավարման մեթոդաբանության վարչության գնումների գործընթացի կարգավորման բաժնի գլխավոր մասնագետ .

Ինեսա Քոչարյան - ՀՀ ֆինանսների նախարարության աշխատակազմի պետական գնումների գործընթացի համակարգման վարչության գնումների գործընթացի համակարգման բաժնի գլխավոր մասնագետ .

ԿԱՐԳ

ԳՆՈՒՄՆԵՐԻ ՀԱՄԱԿԱՐԳՈՂԻ ՈՐԱԿԱՎՈՐՄԱՆ ԾՆՈՐՀՄԱՆ ՔՆՆՈՒԹՅԱՆ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ՀԱՄԱՐ ՊԱՏԱՍԽԱՆԱՏՈՒ ՍՏՈՐԱԲԱԺԱՆՈՒՄՆԵՐԻ ԱՇԽԱՏՈՂՆԵՐԻ ԳՈՐԾՈՒՆԵՈՒԹՅԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում են գնումների համակարգողի որակավորման շնորհման քննության (այսուհետ՝ քննություն) կազմակերպման և անցկացման համար պատասխանատու ստորաբաժանումների աշխատողների (այսուհետ՝ աշխատողներ) գործունեության հետ կապված հարաբերությունները:

2. ԱՇԽԱՏՈՂՆԵՐԻ ԳՈՐԾՈՒՆԵՈՒԹՅԱՆ ԿԱՐԳԸ

2. Քննության կազմակերպման և անցկացման հետ կապված աշխատանքներն աշխատողներն իրականացնում են Հայաստանի Հանրապետության կառավարության 2017թ. հունիսի 29-ի «Գնումների համակարգողների որակավորման շնորհման և նրանց շարունակական մասնագիտական վերապատրաստման կարգը հաստատելու և Հայաստանի Հանրապետության կառավարության 2015 թվականի փետրվարի 12-ի N 99-Ն որոշումն ուժը կորցրած ճանաչելու մասին» N 759-Ն որոշմամբ հաստատված կարգով (այսուհետ՝ Կարգ) սահմանված պայմաններով, սույն կարգով և այլ իրավական ակտերով:

3. Խմբի ղեկավարն իրականացնում է ընթացիկ հսկողություն Աշխատողների գործունեության նկատմամբ և վերջիններիս հետ ստորագրում է Կարգի 16-րդ և 18-րդ կետերով սահմանված արձանագրությունը:

4. Խմբի ղեկավարի բացակայության դեպքում նրան փոխարինում է ըստ խմբում ընդգրկման առաջնահերթության խմբի ղեկավարից հետո նշված՝ գործընթացին ներկա հաջորդ աշխատողը:

5. Քննության անցկացմանը պարտադիր կերպով մասնակցում են Ստորաբաժանումների առնվազն երկու աշխատող, հակառակ դեպքում քննության անցկացումը հետաձգվում է, և մինչև հաջորդող աշխատանքային օրը տեղեկագրում տեղեկություն է հրապարակվում վերջինիս անցկացման նոր ժամկետի մասին: